



Rimnada sistemática da dretg communal dalla Vischnaunca da Sagogn

Nummera **1500.01.01**

Tetel **Uorden da sold e castitgs**

Ediziun Revisiun dils 16.04.2015

Revisiun dils 04.03.2014

Ediziun dils 22.11.2011

Ediziun dils 02.11.2009

Valeivel 05.05.2015

Remarcas preliminaras

Ord motivs da simplificaziun serefereschan indicaziuns da personas, funcziuns e mistregns en questa publicaziun uffiziala mintgamai sin tuttas schlatteinas, expriu sch'igl ei stipulau explicit zatgei auter.

Davosa correctura informala 10.03.2024 tras Thomas Candrian

Cuntegn

I. General	3
II. Sold	4
III. Castitgs	5
IV. Disposiziuns finalas	5

I. GENERAL

Relaschau sebasond sil artechel 6 alinea 2, sil artechel 13 alinea 5 e sil artechel 23 alinea 2 dalla lescha da pumpiers dils 21.11.2011.

General

Art. 1

¹ Quest reglement stipulescha ils puncts ch'ein en competenza dalla suprastonza communal tenor la lescha da pumpiers.

Cuoz da survetsch

Art. 2

¹ Il cuoz dal survetsch da pumpiers vegn fixaus sco suandont:

- a) l'obligaziun entscheiva egl onn el qual il 21avel onn da naschienscha vegn cumplenius.
- b) l'obligaziun croda la fin digl onn el qual il 42avel onn da naschienscha vegn cumplenius.¹

Taxa da cumpensaziun

Art. 3

¹ La taxa da cumpensaziun munta a:

- a) Domicilai en vischnaunca Fr. 400.-²
- b) Domicilai ordeifer vischnaunca Fr. 100.-

Viseta minimala

Art. 4

¹ Tgi che frequenta en in onn buca silmeins la mesadad dils exerchezis ordinaris ha da pagar la taxa da cumpensaziun. Munconzas muort militari ni cuors da pumpier valan buc sco assenza.

¹ Alzament dil temps da survetsch da 40 onns sin 41 onns egl 2014 ed 42 onns el 2015. Per commembers activs en las annadas petuccadas 1974 - 1976 resta il temps da survetsch sin 40 onns. Tenor conclus dalla suprastonza communal dils 04.03.2014.

² Alzament dalla taxa da cumpensaziun da frs. 350.-- sin frs. 400.-- tenor conclus dalla suprastonza communal dils 04.03.2014.

II. SOLD

Sold

Art. 5

¹ Ils commembers dils pumpiers retscheivan in sold per lur lavur. Quel munta duront exerchezis sco suandont:

- | | |
|----------------------|----------|
| a) Cader, per ura | Fr. 20.- |
| b) Schuldai, per ura | Fr. 15.- |

² Il sold munta el seracass:

- | | |
|------------------|----------|
| c) Tuts, per ura | Fr. 25.- |
|------------------|----------|

³ La indemnisaziun per gi per pichett:

- | | |
|-----------------|----------|
| d) Tuts, per gi | Fr. 80.- |
|-----------------|----------|

Cuors e scolaziuns

Art. 6

¹ Ils cuors e scolaziuns che cuozzan in gi ni dapli vegnan indemnissai per gi tenor lescha da salarisaziun.

Pauschalas

Art. 7

¹ Per la lavur supplementara ordinaria vegn indemnissau vinavon suandontas summas per onn:

- | | |
|------------------------|-------------|
| a) Commandant | Fr. 1'000.- |
| b) Offiziers | Fr. 200.- |
| c) Fourier e Corporals | Fr. 100.- |

Pager

Art. 8

¹ Las indemnissaziuns numnadas en artechel 6 cuntengan era la indemnissaziun per purtar il pager.

Carrar cun autos privats

Art. 9

¹ Duront il survetsch da pumpiers eis ei per ordinari da desister da far diever d'autos privats, expriu che quei vegn lubiu dil commandant ni dil vizecommandant.

² Ils viadis vegnan buc indemnissai, expriu els ein ordinai tras il cummandant ni il vizecummandant. L'assicuranza per il auto privat ei en mintga cass caussa dil proprietari.

³ Per viadis ordinai vegn indemnissau pro km tenor lescha da salarisaziun.

III. CASTITGS

Castitgs

Art. 10

¹ L'absenza buc perstgisada enteifer 10 gis tier acziuns ed exercezis dils pumpiers vegn castigada sco suandont:

- | | |
|----------------------------------|-----------|
| a) Emprema assenza tier exercezi | Fr. 50.- |
| b) Suandontas absenzas | Fr. 70.- |
| c) Assenza tier in alarm | Fr. 100.- |

² En cass da secutener nundisciplinau ni arriva retardiva nunperstgisada sa la cumissiun da pumpiers castigiar il culpont cun Fr. 50.-, en cass da repetiziun libramein tochen Fr. 500.-.

IV. DISPOSIZIUNS FINALAS

Surdada ad ina cooperaziun

Art. 11

¹ Sche las incaricas dils pumpiers ein surdadas ad ina corporaziun, sche valan pertucont sold e castitgs ils reglaments da lezza e buc ils artechels 5 tochen e cun 10.

Entrada en vigur

Art. 12

¹ Quest reglement entra en vigur suenter ch'el ei vegniun approbaus dalla suprastanza communal.

² Quest reglement rempiazza tuts reglaments da pumpiers anteriurs.

Ediziun approvada dalla Suprastanza communal ils	05.05.2015
Ediziun approvada dalla Radunonza communal ils	-
Ediziun approvada dalla Regenza dil cantun GR ils	-